

UKIUMUT MISSINGERSUUSIORFIUSUMUT 2010-IMUT KOMMUNINUT ATAAT-SIMOORTUMIK TAPISSUTIT PILLUGIT TAPILIUSSATUT ISUMAQATIGIISSUT

1. Aallaqqaasiut

Ukiumut missingersuusiorfiusumut 2010-mut ataatsimoortumik tapiissutitut ilassutitut isumaqatigiissut matumani pineqartoq pingaarnertut isumaqatigiissummut “Ukiumut missingersuusiorfiusumut 2010-mut kommuninut ataatsimoortumik tapiissutit pillugit isumaqatigiissut”-mut illua’tungeriinnit ulloq 5. marts 2010-mi atsiorneqartumut ilassutitut isumaqatigiissutaavoq. 2010-mi kommuninut ataatsimoortumik tapiissutit taamaalillutik pingaarnertut isumaqatigiissummit 5. marts 2010-meersumit ilassutillu isumaqatigiissummit matumani pineqartumit aallaaveqarput.

2. Tamanut atuuttoq

Siusinaartumik pensionisiat

Inatsisartut 2010-mi Upernaakkut Ataatsimiinneranni Siusinaartumik pensionisiat pillugit inatsisartut peqqussutaata allanngortinneqarnissaa pillugu Inatsisartut peqqussutaat nr. 8, 31. maj 2010-meersoq akuersissutigineqarpoq.

Siusinaartumik pensionisiat pillugit peqqussummi nutaami allanngortitsinermi malunnaateqartut tassaapput kisermaanut siusinaartumik pensionisiat tunngaviusumik tunniunneqartartut 88.812 kr.-iusimallutik 1. juli 2010-mit 100.000 kr.-inngormata, aappariinnullu, tamarmik siusinaartumik pensionisiaqarpata, tunngaviusumik tunniunneqartartut 133.212 kr.-iusimagaluarlutik 1. julimit 150.000 kr.-inngormata. Aammattaaq siunissami siusinaartumik pensionisianut akit Kalaallit Nunaanni atuisut akiinut naleqqussarneqartassapput.

Akit qaffanneqarnerisa 50/50 malillugu aaqqissuussinerup ataani siusinaartumik pensionisialinnut 4.022.000 kr.-inik kommuninut aningaasartuutaanerunissaa naatsorsuutigineqarpoq.

Aammattaaq akit qaffanneqarneri kommunini akileraarutininik isertitaqarnerunissamik kinguneqarnissaa nalilerneqarpoq, taakkulu 2010-mi kommuninut 4.552.000 kr.-inik pitsaasumik kinguneqarnissaat ilimagineqarpoq.

Tamanna tunngavigalugu illua'tungeriit isumaqatigiissutigaat ataatsimoortumik tapiissutit 2010-mi 530.000 kr.-inik appartinneqassasut.

3. Taasariaqartut allat

Isumaqatigiissuteqarnermi mianerisassat


Isumaqatigiissut una Inatsisartut akuersinissaat apeqquaatillugu isumaqatigiissutigineqarpoq.

Nuuk, ulloq 14. september 2010



Palle Christiansen

Aningaasaqarnermut Naalakkersuisoq



Enok Sandgreen

Kalaallit Nunaanni Kommuneqarfiit
Kattuffiani siullittaasoq